

Na osnovu člana 72. Zakona o javnim nabavkama Bosne i Hercegovine ("Službeni glasnik BiH" broj 39/14), a nakon provedenog konkurentskog zahtjeva za pružanje usluga finansijske revizije, zaključen je

UGOVOR **za pružanje usluga finansijske revizije**

između:

- 1. Bosna i Hercegovina, Vijeće ministara, Direkcija za evropske integracije, Sarajevo Đoke Mazalića broj 5, koju zastupa direktor Edin Dilberović (u daljem tekstu: Ugovorni organ)**
i
- 2. MERFI društvo za finansijsku reviziju d.o.o. Sarajevo, ulica Porodice Ribar broj 37 koju zastupa direktor Adnan Mataradžija (u daljem tekstu: Pružalac usluga)**

Član 1.

Predmet ovog Ugovora je pružanje usluge prve finansijske revizije projekta međunarodne pomoći pod nazivom „Posebni sporazum o bespovratnim sredstvima između Švedske i Direkcije za evropske integracije koji se odnosi na razvoj baza podataka MERSA i LHDB i provođenje Komunikacijske strategije za informiranje javnosti o pristupanju BiH Evropskoj uniji“ (u daljem tekstu: Projekat) potpisan između Švedske, koju predstavlja Švedska agencija za međunarodnu razvojnu saradnju (Sida) i Direkcije za evropske integracije po ovlaštenju Vijeća ministara Bosne i Hercegovine.

Član 2.

- 1) Ugovorne strane su saglasne da je ukupna cijena ugovorenih usluga u iznosu od 4.000,00 KM bez PDV-a.
- 2) Sastavni dio ovog Ugovora je prihvaćena Ponuda Pružaoca usluga od dana 27.12.2021. godine.
- 3) Pružalac usluga se obavezuje na nepromjenljivost ponuđene cijene tokom cijelog ugovornog perioda.

Član 3.

- 1) Pružalac usluga se obavezuje da će finansijsku reviziju Projekta provesti u skladu sa međunarodnim standardima koje donosi Međunarodna organizacija vrhovnih revizorskih institucija (INTOSAI) ili Međunarodna federacija računovođa (IFAC) ili u skladu sa odgovarajućim domaćim standardima.
- 2) Finansijska revizija iz člana 1. ovog Ugovora predstavlja prvu finansijsku reviziju Projekta, koja se obavlja za period od početka implementacije Projekta, od 09.09.2020. godine do 31.12.2021. godine.
- 3) Finansijska revizija Projekta treba započeti 05.02.2022. godine, nakon sačinjenog finansijskog i narativnog Izvještaja od strane projektnog tima za isti period implementacije, a revizorski izvještaj treba biti sačinjen do 22.02.2022. godine.
- 4) Ugovorni organ će u svojim službenim prostorijama omogućiti nesmetano obavljanje finansijske revizije.
- 5) Pružalac usluga se obavezuje da Izvještaj o obavljenoj finansijskoj reviziji sačini dvojezično, na jednom od jezika u službenoj upotrebi u Bosni i Hercegovini i engleskom jeziku.
- 6) Ugovorne strane su saglasne da je u slučaju bilo kakvog spora, mjerodavna verzija Izvještaja iz prethodnog stava ovog člana, na jednom od jezika u službenoj upotrebi u Bosni i Hercegovini.

Član 4.

- 1) Pružalac usluga se obavezuje da će Ugovornom organu pružati ugovorene usluge savjesno, profesionalno i kvalitetno, sve po pravilima struke.
- 2) Pružalac usluga se obavezuje da će sve materijale, informacije i sadržaje koje mu Ugovorni organ preda za obavljanje ugovorenih usluga, koristiti u skladu sa uputama Ugovornog organa, te da će onemogućiti pristup i korištenje istih trećim licima za vrijeme trajanja ovog Ugovora, kao i nakon njegovog završetka.
- 3) Sve informacije nastale na osnovu ovog Ugovora se smatraju poslovnom tajnom i ne smiju se davati trećoj strani bez odobrenja Ugovornog organa.

Član 5.

Ugovorni organ se obavezuje na plaćanje ugovorene usluge po ispostavljenoj originalnoj fakturi, u roku od 15 (petnaest) dana od dana prihvatanja finansijskog revizorskog Izvještaja od strane Sida-e.

Član 6.

- 1) Ugovorne strane mogu raskinuti ovaj Ugovor sporazumno, sačinjavanjem ugovora, kojim će se regulisati sva pitanja nastala povodom njegovog raskida.
- 2) Svaka od ugovornih strana može raskinuti ovaj Ugovor, pismenom izjavom koja se dostavlja drugoj ugovornoj strani, uz obavezno navođenje razloga zbog kojeg se ugovor raskida.

Član 7.

- 1) Ovaj Ugovor se zaključuje na određeni period, počev od dana potpisivanja sve do potpunog izvršenja obaveza obje ugovorne strane, a najduže do 01.04.2022. godine.
- 2) Ovaj Ugovor stupa na snagu danom potpisivanja obje ugovorne strane, nakon čega se odredbe Ugovora ne mogu se mijenjati.

Član 8.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 9.

Na sva ostala prava i obaveze ugovornih strana, koje nisu regulisane ovim Ugovorom, primjenjivat će se odredbe Zakona o obligacionim odnosima.

Član 10.

Ovaj Ugovor je sačinjen u četiri (4) istovjetna primjerka, od kojih svaka ugovorna strana zadržava po dva (2) primjerka.

Pružalac usluga
Direktor
Adnan Mataradžija

Broj: RP-139/22
Datum, 21.01.2022



Broj:
Datum,

05-11-16-4-78-62-15121
24.04.2022. gocliv